

## Reglur svæðiseilda Sjúkraliðafélags Íslands

### Síðast breyttar á 26. Fulltrúaþingi SLFÍ

#### Reglur fyrir svæðiseildir Sjúkraliðafélags Íslands

1. gr.: Heiti deildar og starfsvettvangur

Svæðiseildir eru deildir innan Sjúkraliðafélags Íslands. Starfsvettvangur deildar og verkefni er að þjónusta alla þá sem rétt hafa til að bera starfsheitið sjúkraliði og búa og/eða starfa á starfssvæði viðkomandi deildar.

#### Nöfn deildanna eru:

o Svæðiseild Reykjavíkur og nágrennis; Gullbringu og Kjósarsýsla, Bessastaðahreppur, Garðabær, Hafnarfjörður, Kópavogur, Mosfellsbær og Seltjarnarnes.

o Svæðiseild Suðurnesja vestan Straums; Garður, Grindavík, Reykjanesbær, Sandgerði og Vogar.

o Svæðiseild Vesturlands - frá Hvalfjarðarbotni að sunnan að Gljúfurá að norðan. (Sýslumörk Austur- og vestur Húnavatnssýslna)

o Svæðiseild Vestfjarða - frá og með Barðaströnd að Brú í Hrutafirði.

o Svæðiseild Norðurlands vestra - frá og með Gljúfurá að Siglufirði.

o Svæðiseild Norðurlands eystra - frá og með Siglufirði að og með Langanesi, (Að Norður Múlasýslu).

o Svæðiseild Austurlands - frá Langanesi (Norður Múlasýslu) að Höfn í Hornafirði.

o Svæðiseild Suðurlands, frá og með Höfn í Hornafirði að Hveragerði og Þorlákshöfn að Vestmannaeyjum frátöldum.

o Svæðiseild Vestmannaeyja

Lögheimili deildanna og varnarþing er í Reykjavík

Félagssvæði Sjúkraliðafélags Íslands er allt landið

2. gr.: Réttur til aðildar að deild

Félagsmenn eru allir félagsmenn Sjúkraliðafélags Íslands sem búsettir eru á félagssvæði deildarinnar.

3. gr.: Lög deildanna

**Lög Sjúkraliðafélags Íslands eru lög deildanna og félagsmanna eftir því sem við á.**

**4. gr.: Hlutverk deildar**

Hlutverk deildanna og markmið eru þau sem kveðið er á um í 2. kafla laga Sjúkraliðafélags Íslands og ber deildinni og forustu hennar að vinna að framgangi þeirra stefnumiða á sínum starfsvettvangi.

Með því:

- að vinna að því að samningar félagsins séu haldnir og réttindi félagsmanna í heiðri höfð.
  - að reyna að leysa þau ágreiningsmál sem upp kunna að koma og bundin eru við deildarmenn,
  - að veita félagsstjórn Sjúkraliðafélags Íslands aðstoð við söfnun gagna og upplýsinga og við annað sem hún kann að óska eftir,
  - að við brautskráningu sjúkraliðanema, sé þeim afhentar heillaóskir félagsins og þeir boðnir velkomnir til starfa,
  - að efla gagnkvæman skilning og einingu meðal félagsmanna og annarra launamanna.
- Jafnframt skulu deildirnar leitast við að halda uppi öfluglu fræðslu og menningarstarfi innan vébanda sinna.

### **5. gr.: Stjórnir deildanna**

Stjórnir deildanna skulu kosnar á aðalfundi til tveggja ára.

Stjórnir deildanna skipa: formaður, fjórir meðstjórnendur og einn til vara.

Formaður skal kosinn sérstaklega.

Endurkjör stjórnarmanna er heimilt.

Kosning stjórnar skal fara fram árlega og kosnir tveir stjórnarmenn hverju sinni.

Þess skal gætt að í stjórn veljist að minstakosti einn ungliði undir 34 ára aldri.

### **6. gr.: Störf stjórnar**

Stjórn deildar er tengiliður milli félaga deildarinnar og félagstjórnar Sjúkraliðafélags Íslands.

Formenn deildanna eru sjálfkjörnir í félagsstjórn Sjúkraliðafélags Íslands.

Formenn boða stjórnarfundi og aðra fundi deilda. Að loknu stjórnarkjöri skal formaður boða til stjórnarfundar við fyrstu hentugleika. Á fundinum skiptir stjórnin með sér verkum og kys úr sínum hópi varaformann, gjaldkera og ritara. Stjórnir deilda geta skipað nefndir og starfshópa til að vinna að einstökum málefnum fyrir viðkomandi deild, félagið og félagsmenn.

### **7. gr.: Fjármál**

Stjórn hverar deildar skal gera fjárhagsáætlun og leggja fyrir aðalfund til samþykktar. Beiðni um fjárframlag úr aðalsjóði Sjúkraliðafélags Íslands, samkvæmt samþykkttri fjárhagsáætlun, ásamt samþykktum reikningum síðasta árs og fylgiskjölum fyrra árs skal senda félagsstjórn fyrir 1. febrúar til varðveislu.

Fjármunir sem einstakar deildir afla með sérgjöldum, söfnun eða á annan hátt skal ekki færa sem tekjur í reikninga deildarinnar.

Við gerð fjárhagsáætlunar og reikningsskil deildanna skulu eftirtaldir útgjaldaliðir áætlaðir/færðir sérstaklega:

§ Ferðakostnaður

§ Útgjöld vegna útlagðs kostnaðar stjórnarmanna

§ Kostnaður vegna stjórnarfunda

§ Prentun, frímerki, ljósritun o.fl.

§ Símakostnaður

§ Útgjöld vegna aðal- og félagsfunda

§ Annar kostnaður

### **8. gr.: Aðalfundur deildanna**

Aðalfundur deildanna skulu haldnir árlega á tímabilinu september desember sbr. ákvæði 12. gr. laga

Sjúkraliðafélags Íslands. Skýrslur deildanna skal senda félagsstjórn fyrir 1. febrúar ásamt fjárhagsáætlun og fjárbeiðni, auk tillagna og greinargerða sem leggja á fyrir fulltrúaþing eða félagsstjórn.

Til aðalfundar skal boða með a.m.k. tveggja vikna fyrirvara. Fundurinn skal auglýstur á tryggilegan hátt og þess getið í fundarboði ef fyrirhugaðar eru breytingar á reglum deildanna. Ennfremur skal þess getið í fundarboði þegar formannskjör er, hverjir eru í kjöri.

### **Dagskrá aðalfundar:**

1. Kosning fundarstjóra.
2. Skýrsla formanns um starfsemi deildarinnar.
3. Lagðir fram endurskoðaðir og áritaðir reikningar deildarinnar
4. Tillögur um breytingar á reglum félagsins.
5. Kosning formanns til tveggja ára.
6. Kosning stjórnar.
7. Kosning tveggja deildarkjörinna skoðunarmanna.
8. Kosning fulltrúa deildarinnar til setu á fulltrúaþingi Sjúkraliðafélags Íslands samkvæmt ákvæðum 18. gr. laga félagsins.
9. Lögð fram tillaga að fjárhagsáætlun deildarinnar til samþykktar.
10. Önnur mál.

### **9. gr.: Fundir deilda**

Fundi skal halda svo oft sem þurfa þykir. Fundi skal boða með minnst þriggja sólarhringa fyrirvara, með auglýsingu eða á annan tryggilegan hátt.

Stjórn deildar er skylt að boða til fundar ef fimmtungur félagsmanna krefst þess og tilgreinir fundarefni.

### **10. gr.: Kjaramál**

Kjaramálanefnd skal starfa innan hvernar deildar. Hún skal annast undirbúning kröfugerðar, vegna

kjarasamninga í samráði við kjaramálanefnd Sjúkraliðafélags Íslands.

Kjaramálanefnd skal skipuð 4 fulltrúum, auk formanns deildarinnar sem er sjálfkjörinn.

Kjörtímabil nefndarinnar er 2 ár, endurkjör er heimilt. Nefndin annast gerð kjarasamninga á sínu félagssvæði í umboði kjaramálanefndar félagsins, sbr. ákvæði 4. t.l. 5. mgr. 30. gr. laga Sjúkraliðafélags Íslands.

### **11. gr.: Trúnaðarmenn**

Trúnaðarmenn Sjúkraliðafélags Íslands starfa á svæði hverrar svæðisdeildar í umboði félagsins, í samræmi við ákvæði 5. kafla laga nr. 94/1986 um kjarasamninga opinberra starfsmanna

Stjórn svæðisdeildar skal sjá um kjör trúnaðarmanna á sínu starfssvæði og skal skipa 3ja manna kjörstjórn á hvern vinnustað eða fyrir tiltekinn hóp vinnustaða sem annast framkvæmd kosningarinnar. Stjórnin skal hafa skipað kjörstjórnir tímanlega fyrir 1. september á því ári þegar kjósa á trúnaðarmann/menn. Kjósa skal trúnaðarmann og varatrúnaðarmann fyrir hvern vinnustað sem hefur rétt til að hafa trúnaðarmann. Þeir sem kjósa skulu skrifa tvö nöfn á kjörseðil sem kjörstjórn afhendir, þ.e. fyrst þann sem viðkomandi vill kjósa sem trúnaðarmann og svo þann sem viðkomandi vill kjósa sem varatrúnaðarmann.

Kjörstjórn sér um talningu atkvæða og er öllum sem rétt áttu til að kjósa, heimilt að fylgjast með talningu. Þeir teljast rétt kjörnir trúnaðarmenn og varatrúnaðarmenn sem flest atkvæði fá. Nú eru atkvæði jöfn og ræður þá hlutkesti úrslitum. Strax að kosningu lokinni skal kjörstjórn á tilheyrandi eyðublaði tilkynna formanni eða framkvæmdastjóra SLFÍ og stjórn svæðisdeildarinnar um niðurstöðu kosningarinnar Heimilt er félagsstjórn eða framkvæmdastjórn (í umboði félagsstjórnar) SLFÍ að skipa trúnaðarmann án tilnefningar og tilkynna það á tilheyrandi eyðublaði til vinnustaðarins hafi kosning ekki komið til framkvæmda innan tilskilins frests. Tilkynna skal stjórn svæðisdeildar viðkomandi svæðis um skipunina.

Stjórn deildar er skylt að halda fund með kjörnum trúnaðarmönnum a.m.k. einu sinni á ári.

### **12. gr.: Sé deild lögð niður**

Komi til þess að deild leggist af skulu fjármunir sem í eigu hennar eru ganga til SLFÍ.

### **13. gr.: Breyting á reglum deildanna**

Reglum þessum má aðeins breyta á fulltrúaþingi SLFÍ enda hafi tillögum um breytingar á þeim verið sendar félagsstjórn fyrir 1. febrúar. Breytingar á reglunum öðlast ekki gildi fyrr en þær hafa hlotið staðfestingu fulltrúaþings Sjúkraliðafélags Íslands, að fenginni umsögn laganefndar félagsins.

### **Reglur fyrir svæðisdeildir Sjúkraliðafélags Íslands lagðar fram til umfjöllunar á fulltrúaþingum SLFÍ**

14. og 15. maí 2004 reglur fyrir svæðisdeildir Sjúkraliðafélags Íslands lagðar fram til endurskoðunar og samþykktar þannig breyttar.

31. maí 2007, reglur fyrir svæðisdeildir Sjúkraliðafélags Íslands lagðar fram til endurskoðunar og breytingar á fulltrúaþingi og samþykktar þannig breyttar.

10. maí 2012 á 21. Fulltrúaþingi SLFÍ, reglur fyrir svæðisdeildir Sjúkraliðafélags Íslands lagðar fram til endurskoðunar samþykktar þannig breyttar.

12. maí 2017 á 26. Fulltrúaþingi SLFÍ, reglur fyrir svæðisdeildir Sjúkraliðafélags Íslands lagðar fram og samþykktar þannig breyttar.